

# سیرت النبی صلی اللہ علیہ وسلم

سیرت النبی صلی اللہ علیہ وسلم

اتبعون اهدکم سبیل الرشاد

والله يهدي من يشاء الى صراط مستقيم . دینی ، علمی ، ادبی ، سیاسی ہفتہ لاق مجموعہ اسلامیہ در

صاحب و مدیر مسئول : ح . اشرف ادیب

جلد ۱ - ۸

۳ مایس ۱۳۲۸

پنجشنبہ

۲۹ جاذی الاول ۱۳۳۰

عدد ۱۱ - ۱۹۳

کوستردکری خوف و خجانت و بوندن تولد ایدن حرکات مجنونانه لریله قادیسیر ، جوجقتر ، خسته لره قارش ایتکاب ایلدکری وحشت و جنایت ، بالکز ایتالیانک دکل ، اوروپانک دخی عالم اسلام اوزرنده کی نفوذ و اعتبارینه خلل ایراث ایشدر .

بونک ایچون ایتالیا بوکبی غیر مشروع حرکت لریله اوروپانک اعتبارینه خلل ویردیکندن سیاست دخی اوروپانک نظرندن دو شمشدر . بناء علیه ایتالیا بو محاربه دن هیچ برشی قزانه میه جفتی و محاربه نک کندوشنه تحمیل ایلدیکی آغیر مصرف بوکی آلتنده ازیله جکئی و محاربه دن خائب و خاسر دونه جکئی و هر جهتن اعلان افلاس ایده جکئی یقینه مشاهده ایده جکدر . »

العلم غزیه سی یازیور : ایتالیا حکومت باغی سی حرکات مجنونانه سی چناق قلعه بوغازنده تطبیق ایتک ایستدی . اورایه قرق پارچه حرب سفینه سی سوق ایتدی . هجوم کوستردی . منہزم اولدی . بوغاز کسن اوکنده بر زر هلی سفینه سی قربان ویرد کدنصکره خائب و خاسر دوندی . تاریخه باقکرکه ایتالیانک بوغاز اوکنده دوچار اولدی بو ذلت و مسکته بوکونه قدر هیچ بر حکومت گرفتار اولمامشدر . ایتالیا طرابلس غریده بر آسقوط ایتدیکی کبی بوغاز اوکنده دخی بحر آسقوط ایتش و عثمانیلرک قیمت حربیه لرینک بتون عالم نظرنده بوکسک بدرجده تجلیسنه وسیله اولمشدر .

### تفید و تمیز

#### مدنیت اسلامیه تاریخک خطاری

۱۹۱ دن مایعد

امویلر زماننده اک بیوک ، اک مهم مملکتلره مکه ، مدینه ، بصره ، کوفه ، یمن ، مصر ، شام ، الجزیره خراسان ایدی . بو مملکتلرک هر برنده بر امام وار ایدی که خلق اونلر اداره ایدرلردی . بو اماملرک اسملرینی صیره ایله یازیورز :

- مکه عطاء ابن ابی رباح ( ابو حنیفه نک استادی )
- یمن طاوس
- شام مکحول
- مصر یزید بن ابی حنیب
- الجزیره منبوع بن مهران
- خراسان ضحاک بن مزاحم
- بصره امام حسن بصری
- کوفه ابراهیم نجفی

نشر اولمشدر . مذکور پروسقو نامه په مماثل آلمانییا ، آوتریا ، فرانسه ، آمریکا شهر لرنده نشر اولمشدر . پروسقو نامه لرده روسلرک ظلم و اعتساف لری موضوع بحث اولمشدر .

رویه تمشیرات عسکریه سی . - روسیه حکومتک قفقاسیه حدودی جوارنده تحشیداتی توقیف ایلدیکی مرجعه وارد اولان تلفرافنامه دن اگلاشیامشدر .

### آفریقای جنوبی :

پرزده اهمیت . - تا عسدن اقتباس اولمشدر : مستر مورهل جنوبی آفریقاده نیژر احوالنه دائر مفصل بر قونفرانس ویرمش و اوراده اجرا ایلدیکی سیاحت نتیجه سنده اله ایتش بولندینی رسملری - نجر باز واسطه سیله حصاره اراهه و تعریف ایشدر . قونفرانس نیژر والی لاجی ( سرز پروارد ) ک ریاستی تحتنده عقد ایلدیشیدی . نک جوق حضار و مستمعین موجود ایدی . مستر مورهل سابق نیژر والیسی ( سرلوغارد ) ک خدمتندن ستایش آمیزانه بر لسان ایله بحث ایدرک ، انگلتره دولتک مشار الیهک مساعی و مهمات ادا لریسنه شایسته اون میلیون نفوسی محتوی بولتان ایکی بوژالی بیک صریع دوزخ اراضی به مالک اولدیغی سویلرکدن صکره سوزنی نیژر مملکتنده بولسان اقوام و قبائل اسلامیه به عطف ایتدیرمش و مسلمانلرک مساوات و اخوتله ، انتظام و مدنیه صوک درجه رعایتکار اولدقرنی بیان ایشدر . مستر مورهل آفریقاده کی مسلمانلرک احوال زوویه و اجتماعیه لرینی موضوع بحث ایدوب ، قرآن مبینک مکمل و کافی درجده مسلمانلرک تدریسات و تعلیمات اخلاقیه و اجتماعیه بولندینی و دائماً ضعیفک حقوقی قویله قارشو مذاقعه ایلدیکی و بو سایده اک هجرا نقطه لرده یشایان اقوام اسلامیه بیننده بر تعاون اجتماعی و مدنی تأمین ایتدیکی و بونی بالفعل قبائل اسلامیه آره سنده مشاهده ایش اولدیغی سویلشدر . مستر مورهل بو قدرله اکتفا ایتوب ، قرآن و دین مبین اسلامک غادانا معاوت اجتماعیه حاضره قانون و مسلکته نک مشابه و مماثل اولدیغی و بو ایسه تمامیه مسلمانلرک مشروطیت و مشورت اصولی دائره سنده یشاملرینی تأمین ایلدیکی منصفانه و تقدیر کارانه بر لسان ایله یادونکار ایش و انگلتره حکومتی طرفندن ده قبائل مذکوریه لطف و نزاکت آلاوی کوسترلرینی و احتیاج لرینی کافل بر قانونک ندر و تدوینی طلب ایشدر .

### فطرت و عادت

#### ایتالیانک اوروپا نظرنده شقوقی

لوندرده منتشر اجیت غزیه سی انگلتره نک مشهور سیاسیلرندن بریله و توغبولان ملاقاتی یازیور و دیورکه :

« طرابلس غرب محاربه سندن اول اوروپا ایتالیا به سویلی بر نظر ایله باقیوردی . طرابلس غرب محاربه سنده ایتالیانک بوتون تکاملات عسکریه سنه زغماً بر آووج مجاهدین عثمانیه قارشو سنده مغلوب و محصور بروضیتده قلمسی ایتالیایی اوروپانک نظرندن اسقاط ایشدر .

چونکه اوروپا ایتالیانک هیچ بر قیمت عسکریه به مالک اولمادیغی بو محاربه ده رأی العین مشاهده ایشدر . ایتالیا عسکر لرینک بو محاربه ده

هپسی ایچون بربرر «موالیدندر» دهرک نهایتده ابراهیم النخعی نك عرب اولدیغی سویله یجه هشام دیمش، که: «شمدی یوره که آزیجق صو سریدک، والله موالی عربلره حاکم اوله جق؛ منبرلره چیقوب خطبه لر ایراد ایده جکده عربلر آشاغیدن اولری دیکلیه جک.»

تابعینک تاریخ اسلامده کی موقعی پک یوکسکدر. بونلرک باشی سعید بن جبیردر که اسود اولدیغی حالده حجاج کندیسینی کوفهده نمازه امام نصب ایئدی. کوفه ایسه او آراق عربک دماغی، مسلمانلغک حریمی ایدی. ارتق بوقدر تمهیداتدن صوکره مؤلفک «عربلر موالی ارقه سنده نماز قیلمقدن استتکاف ایدرلردی» طرزنده کی دعواسی طوغری اوله بیلمی؟ ایشته ثورینک استاذی اولان سلیمان الاعمش. کندیسینی بر عجم کوله اولمقله برابر او درجه لرده معزز ایدی که خلیفه هشام ابن عبدالملک بوکا عثمانک مناقبی، علینک مساویسینی یازمسی ایچون برمکتوب کوندرمش ایدی. اعمش مکتوبی الوب او قودقدن صوکره او ضرهده یاننده بولان بر کچی به یدیردی؛ کتیرن آدمهده «هشامه سویله که: «مکتوبینک جوابی ایشته بودر!» دیدی. [ابن خلکان - اعمشک ترجمه حالی]

ایشته مشهور حماد راویه. معلقاتی تدوین ایدن، شعر و ادبده غایت بیوک بر موقع صاحبی اولان بو ذات سیاه بر کوله ایدی. بونکله برابر امویلر کندیسینی اوکلرینه کچیرلر، وزیر اتخاذا ایدرلردی. ایشته سالم بن عبدالله بن عمر. کندیسینی جاریه دن اوله ایدی. خلیفه هشام بن عبدالملک مدینه به کلدیکی زمان بونی دعوت ایئدی فقط سالم عذر دیلیوب کلدیکی ایچون هشام قالدی ایاغنه کتیدی. همده اون بیک درهم احسان ایئدی. خلیفه حجدن عودتنده سالمک خسته اولدیغی ایشیدوب زیارتنه کتیدی؛ وفاتنده نمازینی قیلدی. صوکره دیدی که: «بیلم هانکیسنه سوینه می؟ حج ایئدیکنه می، یوقسه سالمک نمازنده بولنه بیلیدیکنه می؟»

اگر بوکی وقایعی صایغه قالدیسه جق اولور ایسه ک سوز اوصانج ویره جک درجهده اوزایه جق. بونکله برابر شو صایدقلمزدن ده اکلاشیر که: موالی امویلر زماننده شرفک، رفعتک متهاسنده ایذیلر. عربلر بونلره قارشی خضوع درجه سنده حرمت کوسترلر، کندیلرینه مقتدا بیلیرلردی. ارتق مؤلفک «موالی ایله جاریه دن اوله لر امویلر زماننده صوکره درجهده محقر ایذیلر؛ هیچ بر موجودیتلری یوقدی؛ عربلره امویلر طرفسیدن کوله معامله سی کوررلردی» طرزنده کی سوزلرینک حکمی قالیری؟ مابعدی وار

بو آدم لک ابراهیم نخعی دن ماعداسی کاملاً موالیدن، بر قسمی ده بخاریه چو جوغی ایذیلر. ایشته هم عرب اولدق لری، هم جاریه چو جق لری اولدق لری حالده زمانلرنده ناسک اولوسی ایذیلر. عربلر کندیلرینه اتقیاد ایدر، خلفای امویه ایسه حرمتده بولنورلر ایدی. عطاء ابن ابی رباحه کلنجه ابن سنديه اولمقله برابر شیخ الحرم ایدی. فتواده قول راجح، مسائلهده صوکره سوز کندیسینک ایدی.

ابن خلکان بو ذاتک ترجمه حالی یازارک سویله سویلیور: «ابراهیم بن عمرو ابن کیسان دییور که امویلر زماننده بر منادی چیقارلردی که عطاء ابن ابی رباحدن بشقه سی ناسه فتوا ویره من دیه باغریردی. عجبا خلیفه لک رضایی اولمقسزین بویه برشی قابلیدر؛ طاوسه کلنجه وفاتنده جنازه سنه او قدر خلق بریکدی که نمازینی قیلمق مشکل اولدی. او آراق ابراهیم ابن هشام مکه والیسی بولنیوردی. ضابطه دن معاونت ایسته دی. جنازهده حضرت حسنک اوغلی عبداللهده وار ایدی. اوده تابوتک آتته کیردی. نمازینی قیلانلر آره سنده خلیفه هشام بن عبدالملکده موجود ایدی. طاوسک ترجمه حالی یازارکن علامه ابن خلکان بونلرک هپسی سویلیور. پک اعلا، بوندن بیوک پایه شرف اوله بیلمی؟

مکحول شامی ایسه اتباع اولنان ائمه نک بریدر. زهری: «علماء درتدر: فلان، فلان، برده مکحول.» دییور.

یزید ابن ابی حبیبه کلنجه خلقه فقه او کرتمسی، مسائل شرعیده فتوا ویرمسی ایچون عمر بن عبدالعزیزک مصره کوندرمش اولدیغی ذات بودر. امام سیوطینک حسن المحاضره سنده مصرح اولدیغی وجهله کندیسینی اونلرک ایلمک معلمیدر.

میمون بن مهران فضیلتیه، سیادتیه برابر الجزیرهده خراج اوزرینه امیر ایدی. ابن قتیبه المعارفنده بونی تصریح ایتمشدر.

حسن البصری به کلنجه: بیوکلکنه عاند نه سویله بیلیرسه کز، هیچ ترد ایتمکزه سویله بیکنز. حاکم، ملکر، سردارلر کندیسینه عرض تعظیم ایدر؛ سوزی هر کس طرفدن نص کبی تلقی ایذیلروردی. سخاوی، عراقینک الفیه الحدیثی شرحنده دییور که: هشام، زهری به «اهل مکئی کیم اداره ایذیلر؟» دیه صوروب، «عطاء» جوابی آنجه «بو پایه نی نه ایله قراتمش؟» دیمش. زهری «دیانتله، روایتله» دیمش. بونک اوزرینه هشام «اوت، دیانت صاحبی اولانک ریاست حقیدر» اعترافنده بولنش. صوکره هشام «یعنی، مصری، الجزیره نی، خراسانی، بصره نی، کوفه نی کیم اداره ایذیلر؟» دیه صره ایله صورهرق، «طاووس، مکحول، یزید... الخ» جوابلرینی آلدقجه هر اسمک آرقه سنندن «عربمیدر؟ موالیدمیدر؟» سؤالی ایراد ایتمش. زهری